



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

XII. Refelluntur argumenta Adversariorum. Primum argumentum.

urn:nbn:de:hbz:466:1-16260

PROPOSITIO III.

ro continua serie ad nos usque propagatum est: quod ad probandam scriptoris *memoriae* fatis esse docuimus. Suader idem præterea & ratio: nec enim probabile est Iosephum, scriptorem non indiligentem, cum res Iudeorum persequeretur, de eo viro tacuisse, qui maximos in ea gente, ac per universum fere orbem excitavit motus, secundum de nomine suo condidit, complures habuit discipulos, & Christi sibi nomen assunxit; quo solo celebrari potuit inter Iudeos, apud quos magna erat Christi expectatio, quique corum nomina haudquam silentio prætermiserunt in suis Historiis, qui titulum hunc sibi arrogarunt. Quis eum putet elogio dignos censuisse Iohannem Baptistam, & Jacobum *ad Iacobum*, indignum vero mentione Christum Iesum existimasse, cuius longe clarius nomen fuit? cum præstet Jacobum laudans, ut notum hunc ficeret, fratrem esse scriperit Iesu, qui Messias dictus est; quem videlicet longe notiorem esse sciebat. Tantum certe absit, ut locum hunc a Iosepho profectum mirer, ut potius mirabile mihi videatur, arbitrari potuisse quemquam de Iesu Iosephum filuisse; neque quisquam est in Iosepho non omnino peregrinus, qui non solitam ejus requireret diligentiam, si testificationem suam tanta Iesu claritatibus non commoda esset. Consentit ad hæc orationis filum, & dictio color, talis nimurum, qualis Hellenistarum esse solet. Locutiones etiam quædam obseruare licet Iosepho familiares. Has igitur habeo causas, cur germanam esse censem hanc *scripturam*, quæ sunt hujusmodi, ut non certioribus vel *memoratu* scriptoris cuiuscunque testimonium defendi posse putem.

*Referuntur
argumenta
Adversario-
rum.
Primum ar-
gumentum.*

XII. Nunc quid opponant Adversarii videamus. Origenem non uno loco aperte scriptisse aiunt, Iesum a Iosepho non fuisse pro Christo agnitus; idem quoque Theodoretum affirmerat: imo vero, vaticinia Prophetarum *Messias και θεος Ιησος* Iosephum, sive assentatorie, sive ex animi sententia, Vespasiano accommodasse; cum in hoc tam loco Iesu clarissimi verbis *Messias fuisse dicatur: ο Ιησος ειναι οντως Ιησος*. Unde efficitur, vel hæc in Iosephi exemplaribus, quibus usi sunt, non extitisse, vel pro falsis & suppositis habuisse. Ego vero respondeo in mutilos & Iudeorum manus expertos codices incide potuisse Originem, & Theodoretum, ut ostendam paulo post; ac proinde insigne hoc Iosephi testimonium numquam vidisse. Fac tamen videisse; aliter sumere potuerunt & debuerunt verba hæc: *ο Ιησος ειναι οντως Ιησος*, ac prima fronte videntur esse sumenda: non enim id significatum voluit Iosephus, Iesum esse revera Christum hunc, qui ab Iudaïtis expectabatur, sed vulgata appellatione Christum nominari fuisse solitus; quod ubi conceptis verbis expellerat: *ινων τον Ιησον τον ιουδαιον Ιησον*, qui *Christus* dicitur. Nam ita nuncupandi Iesu mos invaluerat. Sic Matthæus: *εξ Ιουδαιων Ιησον, ο λεπρος ο κατιστηκε Ιησος*: De qua natus est Iesu, qui vocatur *Christus*. Sic & hi etiam qui ab illo avari erant: velut Pilatus cum diceret: *Quem uultis dimittam vobis, Barabbam, an Iesum, qui dicitur Christus?* Et paulo post: *Quid igitur faciam de Iesu, qui dicitur Christus?* Impii quoque Satellites: *Prophetiza nobis, Christe, quis est qui te percussit.* Et summi Sacerdotes cum Scribis: *Christus rex Israël, descendat nunc de cruce.* Ethnicis etiam non alio nomine innocuerat, quam Christi. Unde Suetonius in Claudio: *Judeos impulso Christo affidue tumultuantes Roma expulit.* Et Tacitus: *Auctor nominis ejus Christus, qui Tiberio imperante per Procuratorem Pontium Pilatum supplicio affectus erat.* Nec aliter Plinius in Epistola ad Trajanum, & Lampridius in Alexandri Severi vita. Atque inde demum conflata Christianorum appellatio. Audiendum Eusebium, qui in Evangelica Demonstratione sic differit: *οντως Ε ιησον οντων παντων επειγοντας χριστον, Ε οντως ιησιανων συντροφεας των οντων επειγοντων.* Unde & pro ceteris omnibus, qui unquam apud Ebreos corporali uictiōne sunt delubati, solum per omnem terram Christus ab omnibus appellatus est, & nomine Christianorum ex ipso ducto universum orbem complevit. Et in primo Historiæ: *οντως ιησον οντων αποστολος Ε οντως διωκεντος μητρας Ε οντως τεκνητος, το μητον αντον Ε αποιητον την πονητην επειν Ε την πατην την αρχηγον την δια την κόσμον χειριν ομοιογειδης, οντως μητριειδης, τερτης απάντων Ε η τη συντροφεια, οντως τη θλων Ε εαρβαλεις μημεριδεια.* Incorporeae autem & divine virtutis, que in ipso fuit, magnum & luculentum indicium est, quod solus ipse ex omnibus, qui unquam existierunt ad hanc diem, nunc quoque ab omnibus hominibus per universum orbem Christus uulgo appellatur, & ab omnibus communis consensu & testificatione hoc celebratur cognomine, & a Grecis, ac Barbaris predicator. Itaque cum dixit Josephus, *ο Ιησος ειναι οντως Ιησος*, suppleri voluit, *ο λεπρος ο Ιησος*. Similis *Ιησος των opportunum nobis exemplum suppeditat λεπρων*, hoc est tabella inscripta *αινια*, seu titulo crucis Christi: nam cum scripsit Pilatus: *Iesus Nazarens Rex Iudeorum*, subaudiri voluit, a seipso dictus; quod & adscribi postulabant Iudeorum Pontifices. Iesum ergo Josephus perinde Christum esse voluit, ut Pilatus Regem

*Sueton, Cland,
cap. 25.
Tacit. Annal,
libr. 15, c. 44.
Lamprid. Alex,
cap. 29. & 41.
Euseb. Dem,
Evang. lib. 5.
& Hilf. libr. 1
cap. 3.*

Joh. 19. 19. 21.

Judeorum. Sic intellexit Hieronymus: nam verba hac, *οἰκεῖος εἶται λόγος*, sic reddidit: *Et credebatur esse Christus*. Attendit ad sensum Auctoris, verba insuperhabuit. Quæ cum ita sint, minime mirum est dixisse Origenem, & Theodoretum, non eam sive probatam à Iosepho sententiam, qua Jesum esse Christum statuit; & Iosephum ipsum Prophetarum de venturo Christo prædicta alteri aptasse.

XIII. Objiciunt prætere plurimos è pñscis Christianæ sectæ propugnatoribus Secundum argumentum.

tam valido testimoniou cauſam suam numquam esse tutaros; non Iustinum, non Terullianum, non alios plerosque; non Photium præcipue, qui Iosephi summariū & censuram dedit; non Iosephum ben Gorion, qui Historias suas Iudaicas ad Iosephi Mathiae filii exemplar expressit: quod fecissent utique, si vel cognita ipsi fuisse ita pñcet, vel pro legitimâ eam habuissent. Nempe cauſe fuerunt dolii Judeorum, qui ex pluribus eam libris extriverant jam inde à primis post Josephum temporibus; cum alia de Jacobi nece, de Johanne Baptista, de Iesu ipso supra memorata testimonia ab iisdem eraſa esse vñhemens, ut dixi, suspicio sit. Firmat conjecturam nostram Baronii adversus Judeos expoſtulatio, à quibus abraſum fuisse scribit hoc Josephi de Christo Iesu testimonium, in veteri quadam ipsorum membrana, qua Josephi Historia de Græco in Ebraicam lingua conversa continetur. Hanc Baronii criminationem aduersus Judeos cum falsitatibus suspectis suis facere voluit Catabonus, pa- rum certe æquum. Baronio, spēclarat integratis viro, se præbuit: facti enim erat; non juris controversia; in qua fidem probo viro derogare, qualem fuisse Baronium constat, hominis fuit nimio partium studio abrepti. Atqui visitur hodieque codex ille in Vaticana Bibliotheca, & Baronium absolvit. Firmat quoque nostram conjectu- ram, cum aliorum, tum præcipue Justini consimilis aduersus Judeos querela, dum proceſses & adulteras manus sacræ ipſos Voluminibus intulisse ait, si quando perfidie ipsorum contrarium aliiquid occurreret. Adulteratis ergo, & nobili hoc testimoniou multatis plerisque Josephi exemplaribus, fieri aliter non potuit, quam ut quicunque iis uterentur Christiani scriptores, patrocinium cauſe sua haudquaque ex eo possent asciscere. In ejusmodi fortassis codicem incidit Photius. Quanquam, quod ad ipsum attiner, aliter factum puto: nec enim credibile est ignorante virum summae diligentiae & doctrinae, hunc locum in alis Josephi codicibus bene multis reperiri. Discere fal- rem id potuerat ex Eusebio, aliisque rei hujus testimoniis. Verum in Excerptis suis nul- lam tam clari testimoniij inject mentionem, quippe nec totius ἀρχαιολογίας Josephi ἔργων, aut epitomen dare intituerat. Legatur Tmema ipius cccxxxviii: paucula tantum ibi de Herode selecta deprehenduntur. Si Josephi testimonium de Christo Iesu, idcirco adulterinum esse creditur, quod à Photio prætermisum sit, adulterini quoque habeantur quatuordecim priores libri ἀρχαιολογίας, à Photio itidem illis prætermitti. Verum particulam tantum libri hujus delibavit. Itaque non ἐνθε- yate inscripsit, quæ illuc attulit ex Iosepho, sed ἐνθελε. Atque hanc ipsam ἐνθελη non ea fide descriptis, ut detrahere quecumque, vel adjicere religio ipsi fuerit. Que- dam in ea habentur, quæ non extant in Josepho: cujusmodi hoc est: Εἶτε οὐδὲν τοῦτο τὸ Ιωάννην οὐδὲ απολύτως (κύριος δέ σοντα μετὰ) τοῦτο, εἴφετο οὐδὲ Χριστὸς οὐδὲ θεός οὐδὲ οὐδὲ τομεῖα τοῦ θεοῦ παρθενεῖς θεοτόκεια μητέρας τοῦτο. Ητούτη η θεόδοξη, τοῦ μηδενότα διηγεῖται, φορεῖ δὲ πολλῶν νησιών γνωστή. Hic est Herodes, Antipatri Idumei & Arabissæ (Cyprus autem nomen ipse fuit) filius: sub quo Christus Deus noi- fles pro salute nostri generis virginio uero editur: aduersus quem furore actus Herodes, aber- rauit quidem à Domino, plurimum autem infantium interfector fuit. Si adjudicamus Jo- sepho, quæcumque non repræsentavit Photius, eidem æquum est adjudicare, quæ Pho- tius exhibuit: ergo & Iesum Deum esse, & Virginem natum, & humani generis Serva- torēm scripsit Josephus, & Ερεποντος Herodis meminit, ut pote quæ istuc à Photio commemoarentur. Videant ergo Adversarii utrum malint, vel prius hoc Josephi de Iesu testimoniou, vel postremum hoc nobis concedere. De Josephi Archæologia jam ante egerat Photius Tmema LXXVI: at ejus initium ac finem designasse contentus, in reliquis de Josepho tantum ipso disseruit: proptereane dicimus suppositiā esse omnem Archæologiam Josephi, præter finem & initium? Ex Gorionida vero silen- tio quid homo sanus possit colligere, non intelligo: nam Judæi alicuius fatis recentis factum esse absurdam hanc historiam, acute probavit Scaliger aduersus Munsterum, eiique viri deinceps eruditii complures assensi sunt. Atqui Iosephum Græcum, non ac- curate interpretari, sed in pauciora contractum popularibus suis exhibere fraudis ar- chitecto propositum fuit. Quis autem miretur verbum illum, pro more recentium Ju- deorum vaſrum & versipelle, tam illustrem locum gentiles suos celasse, neque te- stificatione sua confirmatum ivisse? Itaque existimare possumus duas cauſas habuisse Gorioniden, quamobrem id testimonium in librum suum non retulerit, studium bre-

Baron., ad
Ann. Chr. 34.
cap. 226.

Caius, ad.
Abrah. Baron.
Exercit. 16, ad
ann. 34, cap.
221.

Justin, Dialog.
cum Tryph.
Euseb., Hist.
libr. 4, cap. 18.
Hackian De
uia libror.
Rabb. cap. 1.

Scalig. Blench.
Tribuar. cap. 4.